

唐
音
統
籤

丁籤九十三白居易

之二十八

唐音統籤卷

四百二十七

五言律詩三

崔湖州贈紅石琴薦煥如錦文以詩酬謝

頽錦支綠綺韻同相感深千年古澗石八月秋堂
琴引出山水思助成金玉音人間無可比比我與
君心

除日答夢得同發楚州

共作千里伴俱爲一郡迴歲陰中路盡鄉思先春
來山雪晚猶在淮冰晴欲開歸歎吟可作休戀主
人杯

祭社宵興燈前偶作

城頭傳鼓角燈下整衣冠
夜鏡藏鬚白秋泉漱齒
寒欲將閑送老須著病辭官
更待年終後支持歸
計看

閑臥

盡日前軒臥神閑境亦空
有山當枕上無事到心
中簾卷侵牀日屏遮入座
風望春春未到應在海
門東

新春江次

浦乾潮未應堤濕凍初銷
粉片粧梅朵金絲刷柳

條鴨頭新綠水雁齒小紅橋莫怪珂聲碎春來五
馬驕

失鶴

失爲庭前雪飛因海上風九霄應得侶三夜不歸
籠聲斷碧雲外影沉明月中郡齋從此後誰伴白
頭翁

同諸客携酒早看櫻桃花

曉報櫻桃發春携酒客過綠飴粘盞杓紅雪壓枝
柯天色清明少人生事故多停杯替花語不醉擬
如何

病中書事

三載臥山城，閉知節物情。
鶯多過春語，蟬不待秋鳴。
氣嗽因寒發，風痰欲雨生。
病身無所用，唯解卜陰晴。

北院

北院人稀到，東窓地最偏。
竹煙行窻上，石壁臥房前。
性拙身多暇，心慵事少緣。
還如病居士，唯置一床眠。

酬周協律

五十錢塘守，應爲送老官。
濫蒙辭客愛，猶作近臣

看鑿落愁須飲琵琶悶遣彈白頭雖強醉不似少年歡

詩解

新篇日日成不是愛聲名舊句時時改無妨悅性情但令長守郡不覺却歸城祇擬江湖上吟哦過一生

天竺寺送堅上人歸廬山

錫杖登高寺香爐憶舊峰偶來舟不繫忽去鳥無蹤豈要留難偈寧勞動別容與師俱是夢夢裏暫相逢

別州民

耆老遮歸路壺漿滿別筵
甘棠無一樹那得淚潛然
稅重多貧戶農飽足旱田
唯留一湖水與汝救

凶年

今春增築錢塘湖隄
注水以防天旱故云

汴河路有感

三十年前路孤舟重往還
繞身新眷屬舉目舊鄉關
事去唯留水人非但見山
啼襟與愁髮此日兩成斑

埭橋舊業

別業埭城北拋來二十春
改移新運路變換舊邨

鄰有稅田疇薄無官弟姪貧田園何用問強半屬
他人

茅坡驛

汴河無景思秋日又淒淒地薄桑麻瘦村貧屋舍
低旱苗多問艸濁水平和泥最是蕭條處茅坡驛
向西

滄中題山泉

泱泱涌岩穴濺濺出澗門向東應入海從此不歸
源似葉飄辭樹如雲斷別根吾身亦如此何日返

鄉園

好聽琴

本性好絲桐塵機聞卽空一聲來耳裏萬事離心
中清暢堪消疾恬和如養蒙尤宜聽三樂安慰白
頭翁

小院酒醒

酒醒閒獨步小院夜深涼一領新秋簟三開明月
廊未收殘盞杓初換熱衣裳好是幽眠處松陰六
尺牀

秋晚

烟景淡濛濛池邊微有風覺寒螢近壁知冥雀歸

龍長貌隨年改衰情與物同夜來霜厚薄梨葉半
低紅

王僕射初到以詩代書先問之

別來王閣老三歲似須臾鬢上斑多少杯前興有
無官從分緊慢情莫問榮枯許入朱門否籃輿一
病夫

臨池閒臥

小竹圍庭匝平池與砌連閒多臨水坐老愛向陽
眠營役拋身外幽奇送枕前誰家卧牀脚解繫釣
魚船

病中辱張常侍題集賢院詩因以繼和

天祿閣門開甘泉侍從回
圖書皆帝籍寮友盡仙才
騎省通中掖龍樓隔上臺
猶憐病官相詩寄洛陽來

別春爐

煖閣春初入溫爐
與稍闌晚風猶冷在
夜火且留看獨宿
相依久多情欲別難
誰能共天語長遣四時寒

題新居呈王尹兼簡府中三掾

敝室須重葺貧家乏羨財
橋憑川守造樹倚府中栽

栽朱板新猶溼紅英暖漸開仍期更携酒倚檻看
花來

城東閒行因題尉遲司業水閣

閒繞洛陽城無人知姓名病乘籃輿出老著茜衫
行處處花相引時時酒一傾借君溪閣上醉詠兩
三聲

寄皇甫七

孟夏愛吾廬陶潛語不虛花尊飄落酒風案展開
書鄰女偷新果家僮澆小魚不知皇甫七池上興
何如

除蘇州刺史別洛城東花

亂雪千花落新絲兩鬢生
老除吳郡守春別洛陽
城江上今重去城東更
一行別花何用伴勸酒有
殘鶯

船夜按琴

鳥栖魚不動月照夜江深
身外無都事舟中只有
琴七絃爲益友兩耳是知音
心靜卽聲淡其間無
古今

渡淮

淮水東南濶無風渡亦難
孤燼生乍直遠樹望多

圓春浪棹聲急
夕陽帆影殘
清流宜映月
今夜重吟看

題籠鶴

經旬不飲酒
踰月未聞歌
豈是風情少
其如老病多
虎丘慙客問
娃館妬人過
莫笑籠中鶴
相看到幾何

池上早秋

荷芰綠參差
新秋水滿池
早涼生北檻
殘照下東籬
露飽蟬聲懶
風乾柳意衰
過潘二十歲
何必更愁悲

郡中夜聽李山人彈三樂

風琴秋拂匣月戶夜開關
縈啓先生樂姑蘇太守
閒傳聲千古後得意一時閒
却怪鍾期耳誰聽水
與山

喚笙歌

露墜萎花槿風吹敗葉荷
老心歡樂少秋眼感傷
多芳歲今如此衰翁可奈何
猶應不如醉識道喚
笙歌

自歎

豈獨年相迫兼爲病所侵
春來痰氣動老去嗽聲

深眼暗猶操筆頭斑未挂簪因循過日月真是遂
人心

馬墜強出贈同座

足傷遭馬墜腰重倩人擡
抵合牕間臥何因花下來
坐依桃葉妓行呷地黃杯
強出非他意東風落盡梅

偶作

紅杏初生葉青梅已綴枝
闌珊花落後寂寞酒醒時
坐悶低眉久行慵舉足遲
少年著莫怪頭白自應知

春盡勸客酒

林下春將盡池邊日半斜
櫻桃落砌顙夜合隔簾
花嘗酒留閒客行茶使小娃
殘杯勸不飲留醉向
誰家

官宅

紅紫共紛紛祗承老使君
移舟木蘭棹行酒石榴
裙水色窸窸見花香院院
闌戀他官舍佳雙鬢白
如雲

重詠

日覺雙眸暗年驚兩鬢蒼
病應無處避老更不宜

忙徇俗心情少休官道理長今秋歸去定何必重思量

題報恩寺

好是清涼地都無繫絆身晚晴宜野寺秋景屬閒人
淨石堪敷坐寒泉可濯巾自慙容鬢上猶帶郡庭塵

武丘寺路

去年重開寺路桃李蓮葇約種二千株

自開山寺路水陸往來頻銀勒牽驕馬花船載麗人
菱荷生欲遍桃李種仍新好住湖堤上長留一道春

河亭晴望

九月八日

風轉雲頭歛煙銷水面開晴虹橋影出秋雁櫓聲
來郡靜官初罷鄉遙信未迴明朝是重九誰勸菊
花杯

江上對酒二首

酒助踈頑性琴資緩慢情有慵將送老無智可勞
生忽忽忘機坐俵俵任運行家鄉安處是那獨在
神京

久貯滄浪意初辭桎梏身昏昏常帶酒黯黯不塵
人坐穩使箕踞眠多愛欠伸客來存禮數始着白

綸巾

望亭驛酬別周判官

何事出長洲連宵飲不休
醒應難作別懽漸少於
愁燈火穿村市笙歌上驛樓
何言五十里已不屬蘇州

酒筵上答張居士

但要前程減無妨外相同
雖過酒肆上不離道場
中絃管聲非實花鈿色是空
何人知此義唯有淨名翁

聽琵琶妓彈略略

唐詩續集
腕軟擦頭輕新教略略成四絃千遍語一曲萬重
情法向師邊得能從意上生莫欺江外手別是一
家聲

賦得邊城角

邊角兩三枝霜天隴上兒望鄉相並立向月一時
吹戰馬頭皆舉征人手盡垂嗚嗚三奏罷城上展
旌旗

太湖石

煙翠三秋色波濤萬古痕削成青玉片截斷碧雲
根風氣通岩穴苔文護洞門三峰具體小應是華

山孫

南院

林院無情緒經春不一開
楊花飛作穗榆莢落成
堆壯氣從中滅流年逐後催
只應如過客癩去老
迎來

閒詠

步月憐清景眠松愛綠陰
早年詩思苦晚歲道情
深夜學禪多坐秋牽興暫吟
悠然兩事外無處更
留心

松齋偶興

置心思慮外減跡是非間約俸爲生計隨官換往
還耳煩聞曉角眼醒見秋山巖巖巖巖巖巖巖巖巖
日間

松下琴贈客

松寂風禱定琴清夜欲闌偶因羣動息試撥一聲
看寡鶴當微怨秋泉應指寒慙君此傾聽本不爲
君彈

秋齋

晨起秋齋冷蕭條稱病容清風兩窓竹白露一庭
松阮籍謀身拙嵇康向事慵生涯別有事浩氣在

心胸

與僧智如夜話

懶鈍尤知命
幽棲漸得閒
門間無謁客
室靜有禪
僧爐向初冬
火籠停半夜
燈憂勞緣智
巧自喜自
無能

晚寒

急景流如箭
淒風利似刀
暝催雞翅歛
寒束樹枝
高縮水濃和
酒加綿厚絮
袍可憐冬計
畢煖臥醉
陶陶

偶眠

放杯書案上枕臂火爐前老愛尋思事慵多取次
眠妻教卸烏帽婢與展青氈便是屏風樣何勞畫
古賢

華城西北雉堞最高崔相公首創樓臺錢在
丞繼栽花果合爲勝境題在雅篇歲暮獨悵

然成詠

時華州未
除刺史

高居稱君子瀟酒四無隣丞相棟梁久使君桃李
新凝情看麗句駐步想清塵况是寒天客樓空無
主人

題噴玉泉

泉在壽安山下高
百餘尺直瀉潭中

泉噴聲如玉潭澄色似空練垂青嶂上珠瀉綠盆
中溜滴三秋雨寒生六月風向時此岩下來作濯
纓翁

酬皇甫賓客

閒官兼慢使著處易停輪况欲逢新歲仍初見故
人冒寒尋到洛待煖始歸秦亦健同携手城東略
看春

荅蘇庶子

偶作關東使重陪洛下遊病來從斷酒老去可禁
愁歎曲偏青眼蹉跎各白頭蓬山開氣味依約似

龍樓

贈東鄉王十三

攜手池邊月開襟竹下風
驅愁知酒力破睡見茶
功居處東西接年顏老少同
能來爲伴否伊上作
漁翁

履道春居

微雨灑園林新晴好一尋
低風洗池面斜日折花
心眼助嵐陰重春添水色深
不知陶省事猶抱有
絃琴

洛下諸客就宅相送偶題西亭

几榻臨池坐，軒車冒雪遊。交情致杯酒，僮僕解笙歌。流歲行將晚，浮榮得幾多。林泉應問我，不任意如何。

荅林泉

好在舊林泉，回頭一悵然。漸知吾滌削，深愧爾留連。欲作棲雲計，須營種黍錢。更容求一郡，不得亦歸田。

喜錢左丞再除華州以詩申賀

左轄輟中臺，門東委上才。彤襜經宿到，絳帳及春開。民望懇難奪，天心慈易回。那知不隔歲，重借寇

物來

閒出

身外無羈束
心中少是非
被花留便住
逢酒醉方歸
人事行時少
官曹入口稀
春寒遊正好
穩馬薄綿衣

蒼巖相公乞鶴

警露聲音好
冲天相貌殊
終宜向遶廓
不稱在泥塗
白首勞爲伴
朱門幸見呼
不知疎野性
解愛鳳池無

北牕閒坐

虛廳兩叢竹靜室一爐香門外紅塵合城中白日
忙無煩尋道士不要學仙方自有延年術心閒歲
月長

從陝至東京

從陝至東京山低路漸平風光四百里車馬十三
程花共垂鞭看杯多並轡傾笙歌與談笑隨分自
將行

宴散

小宴追涼散平橋步月回笙歌歸院落燈火下樓
臺殘暑蟬催盡新秋雁帶來將何迎睡興臨臥舉

殘杯

人定

人定月朧明香消枕簟清翠屏遮燭影紅袖空簾
聲坐久吟方罷眠初夢未成誰家教鸚鵡故語
和鶯

池上

裊裊涼風動淒淒寒露零蘭衰花始白荷破葉猶
青獨立棲沙鶴雙飛照水螢若爲寥落境仍值酒
初醒

題崔常侍濟源莊

谷口誰家住雲扁鎖竹泉主人何處去蘿薜換貂
蟬籍在金閨內班排玉扆前誠知憶山水歸得是
何年

卷終

丁籤九十三白居易

卷之二十九

唐書統籤卷

四百一十八

五言律詩四

魏堤有懷

魏王堤下水聲似使君灘惆悵回頭聽躊躇立馬
看蕩風波眼急翻雪浪心寒憶得瞿塘事重吟行
路難

柘枝詞

柳閣長廊合花深小院開蒼頭鋪錦褥皓腕捧銀
杯繡帽珠稠綴香衫袖窄裁將軍拄毬杖看按柘
枝來

贈悼懷太子挽歌辭二首

奉詔
撰進

竹馬書薨歲銅龍表葬時永言窀穸事全用少陽
儀壽夭由天命哀榮出聖慈恭聞褒贈詔軫念在
與夷

剪葉藩封早承華冊命尊笙歌辭洛苑風雪蔽梁
園幽澤成靈箱銘旌日月翻宮察不逮事哭送出
都門

雨中招張司業宿

過夏衣香潤迎秋簾色鮮斜支花石枕臥詠薤珠
篇泥濘非遊日陰沉好睡天能來同宿否聽雨對

床眠

對琴待月

竹院新晴夜松窓小臥時共琴爲老伴與月有秋
期玉軫臨風久金波出驛遲幽音待清景唯是我
心知

早寒

黃葉聚墻角青苔圍柱根被經霜後薄鏡遇雨中
昏半卷寒簷幕斜開暖閣門迎冬兼送老只仰酒
盈樽

和劉郎中望終南山秋雪

遍覽古今集都無秋雪詩陽春先唱後陰嶺未消
時草訝霜凝重松疑鶴散遶清光莫獨占亦對白
雲司

賦得烏夜啼

城上歸時晚庭前宿處危月明無葉樹霜滑有風
枝啼澀飢喉咽飛低凍翅垂盡堂鸚鵡鳥冷煖不
相知

聞新蟬贈劉二十八

蟬發一聲時槐花帶雨枝只應催我老兼遣報君
知白髮生頭速青雲入手遲無過一杯酒相勸數

開眉

觀幻

有起皆因滅無睽不暫同從歡終作感轉苦又成
空次第花生眼須臾竹過風更無尋覓處鳥跡印
空中

和劉郎中曲江春望見示

芳景多遊客衰翁獨在家肺傷妨飲酒眼痛忌看
花寺路隨江曲宮牆夾樹斜羨君猶壯健不在度
年華

和春深二十首

何處春深好春深富貴家馬爲中路鳥妓作後庭
花羅綺驅論隊金銀用斷車眼前何所苦唯苦日

西斜

何處春深好春深貧賤家荒涼三徑草冷落四隣
花奴困歸傭力妻愁出貨車途窮平路險舉足劇
衰斜

何處春深好春深執政家鳳池添硯水雞樹落衣
花詔借當衢宅恩容上殿車延英開對久門與日
西斜

何處春深好春深方鎮家通犀排帶騰瑞鶴勘袍

花飛絮衝毬馬垂楊拂妓車戎裝拜春設左握寶
刁斜

何處春深好春深刺史家陰繁棠布葉岐秀麥分
花五疋鳴珂馬雙輪畫戟車和風引行樂葉葉隼
旗斜

何處春深好春深學士家鳳書裁五色馬鬣剪三
花蠟炬開明火銀臺賜物車相逢不敢揖彼此帽
低斜

何處春深好春深女學家慣看溫室樹飽識浴堂
花御印提隨仗香牋把下車宋家宮樣髻一片綠

雲斜

何處春深好春深御史家
絮纒驄馬尾蝶繞繡衣
花根柱行持斧埋輪立
駐車入班過認得魚貫一
行斜

何處春深好春深遷客家
一杯寒食酒萬里故園
花炎瘴蒸如火光陰走似車
爲憂鵬鳥至只恐日
光斜

何處春深好春深經業家
唯求太常第不管曲江
花折桂名慙却收螢志慕車
官場泥鋪處最怕寸
陰斜

何處春深好春深隱士家
野衣裁薜葉山飯晒松
花蘭索紉幽珮蒲輪駐軟車
林間箕踞坐白眼向
人斜

何處春深好春深漁父家
松灣隨棹月桃浦落船
花投餌移輕楫牽輪轉小車
蕭蕭蘆葉裏風起釣
絲斜

何處春深好春深潮戶家
濤翻三月雪浪噴四時
花曳練馳千馬驚雷走萬車
餘沫落何處江轉富
陽斜

何處春深好春深精飲家
十分杯裏物五色眼前

花飴飲眼精靈流涎見麴軍中山一沉醉千度日

西斜

何處春深好春深上巳家蘭臺席上酒曲洛岍邊
花弄水遊童棹漸褰小婦車齊橈爭渡處一匹錦
標斜

何處春深好春深寒食家玲瓏鑊雞子宛轉綵球
花碧草追遊騎紅塵拜掃車鞦韆細腰女搖曳逐
風斜

何處春深好春深博奕家一先爭破眼六聚鬪成
花鼓應投壺馬兵衝象戲車彈碁局上事最妙是

長斜

何處春深好春深嫁女家紫排襦上雉黃貼髻邊
花轉燭初移障鳴環欲上車青衣傳氍毹錦繡一
條斜

何處春深好春深娶婦家兩行籠裏燭一樹扇間
花賓拜登華席親迎障憶車催粧詩未了星斗漸
傾斜

何處春深好春深妓女家眉欺楊柳葉裙妬石榴
花蘭麝熏行被金銅釘坐車杭州蘇小小人道最
天斜

老戒

我有白頭戒聞於韓侍郎老多憂活計病更戀斑
行矍鑠誇身健周遮說話長不知吾免否兩鬢已
成霜

惜落花

夜來風雨急無復舊花林枝上三分落園中二寸
深日斜啼鳥思春盡老人心莫怪添盃飲情多酒
不禁

秋思

夕照紅於燒晴空碧勝藍獸形雲不一弓勢月初

三雁思來天北砧愁滿水南蕭條秋氣味未老已
深譜

酬夢得秋夕不寐見寄

碧簾絳紗帳夜涼風景清病聞和藥氣渴聽碾茶
聲露竹偷燈影煙松護月明何言千里隔秋思一
時生

憶夢得

齒髮各蹉跎踈慵與病和愛花心在否見酒興如
何年長風情少官高俗慮多幾時紅燭下聞唱竹
枝歌

贈同座

春黛雙蛾嫩秋蓬兩鬢侵謀歡身太晚恨老意難
深薄解燈前舞尤能酒後吟花叢便不入猶自未
甘心

歸履道宅

驛吏引藤輿家童開竹扉往時多暫住今日是長
歸眼下有衣食耳邊無是非不論貧與富飲水亦
應肥

詠閒

但有閒銷日都無事繫懷朝眠因客起午飯伴僧

里巷多通水林園盡不扃松身爲外戶池面是中
庭元氏詩三帙陳家酒一瓶醉來狂發詠隣女映
籬聽

答夢得聞蟬見寄

開緘思浩然獨詠晚風前人貌非前日蟬聲似去
年槐花新雨後柳影欲秋天聽罷無他計相思又
一篇

齋樹合陰交戶池分水夾階就中今夜好風月似
江淮

偶吟

自題

老宜官冷靜貧賴俸優饒熱月無堆案寒天不趁
朝傍看應寂寞自覺甚逍遙徒對盈樽酒兼無愁
可銷

偶詠

禦熱蕉衣健扶羸竹杖輕誦經凭盤立散藥遶廊
行暝槿無風落秋蟲欲雨鳴身閒當將息病亦有
心情

偶作

張翰一杯酒榮期三樂歌聰明傷混沌煩惱污頭

隨簾冷秋生早堦開日上多近來門更靜無雀可
張羅

遊平泉贈晦叔

照水容雖老登山力未衰欲眠先命酒暫歇亦吟
詩且喜身無縛終慙鬢有絲迴頭語閒伴閒校十
年遲

勸酒十四首

并序

予分秩東都居多暇日閒來輒飲醉後輒吟苦
無詞章不成謠詠每發一意則成一篇凡十四
篇皆上於酒聊以自勸故以何
處難忘酒不如來飲酒命篇

何處難忘酒七首

何處難忘酒長安喜氣新初登高第後乍作好官
人省壁明張榜朝衣穩稱身此時無一盞爭奈帝
城春

何處難忘酒天涯話舊情青雲俱不達白髮遞相
驚二十年前別三千里外行此時無一盞何以叙
平生

何處難忘酒朱門羨少年暮年梳髮後寒食月明
前小院迴羅綺深窈窕理管絃此時無一盞爭過艷
陽天

何處難忘酒霜庭老病翁聞聲啼蟋蟀乾葉落梧

桐髯爲愁先白顏因醉暫紅此時無一盞何計奈
秋風

何處難忘酒軍功第一高還鄉隨露布半路受旌
旄玉柱剝蕙手金章爛棊袍此時無一盞何以騁
雄豪

何處難忘酒青門送別多歛襟收涕淚簇馬聽笙
歌煙樹灞陵畔風塵長樂坡此時無一盞爭奈去
留何

何處難忘酒逐臣歸故園赦書逢驛騎賀客出都
門半面瘴煙色滿衫鄉淚痕此時無一盞何物可

招蒐

不如來飲酒七首

莫隱深山去君應到自嫌齒傷朝水冷貌苦夜霜
巖漁去風生浦樵歸雪滿巖不如來飲酒相對醉
厭厭

莫作農夫去君應見自愁迎春犁瘦地趁晚餒羸
牛數被官加稅稀逢歲有秋不如來飲酒相對醉

悠悠

莫作商人去恹惶君未諳雪霜行塞北風水宿江
南藏鏹百千萬沉舟十二三不如來飲酒仰而醉

酣酣

莫事長征去辛勤難具論何曾畫麟閣祇是老轅
門機虱衣中物刀鎗面上痕不如來飲酒合眼醉
昏昏

莫學長生去仙方快殺君將薤上露擬待鶴邊
雲矻矻皆燒蕪蕪盡作墳不如來飲酒閒坐醉
醺醺

莫上青雲去青雲足愛憎自賢誇智慧相糾鬪功
能魚爛緣吞餌蛾燹爲撲燈不如來飲酒任性醉
騰騰

莫入紅塵去令人心力勞相爭兩鬢角所得一牛
毛且滅嗔中火休磨笑裏刀不如來飲酒穩臥醉
陶陶

卽事

見月連宵坐聞風盡日眠室香羅藥氣籠煖焙茶
煙鶴啄新晴地雞栖薄暮天自看淘酒未倚杖小
池前

何處春先到

何處春先到橋東水北頭尋凍花開未得冷酒着難
醒就日移輕榻遮風展小屏不勞人勸醉鶯語漸

丁寧

夜從法王寺下歸嶽寺

雙刹夾虛空
綠雲一徑通
似從初利下
如過劍門
中燈火光初合
笙歌曲未終
可憐師子座
子出淨
名翁

和杜錄事題紅葉

寒山十月旦
霜葉一時新
似燒非因火
如花不特
春連行排絳
帳亂落剪紅巾
解駐籃轡看
風前唯
兩人

自問

年來私自問何故不歸京佩玉腰無力看花眼不
明老慵難發遣春病易滋生賴有彈琴女時時聽
一聲

晚起

起晚憐春煖歸遲愛月明放慵長飽睡闌健且閒
行北關停朝簿西方入社名唯吟一句偶無念是
無生

池上贈韋山人

新竹夾平流新荷拂小舟泉皆嫌好拙誰肯伴閒
遊客爲忙多去僧因飯暫留獨憐韋處士盡日共

苦熱

頭痛汗盈巾連宵復達晨不堪逢苦熱猶賴是閒人
朝客應煩倦農夫更苦辛始慙當此日得作自由身

銷暑

何以銷煩暑端居一院中眼前無長物窓下有清風
熱散由心靜涼生爲室空此時身自得難更與人同

行香錄

出作行香客歸如坐夏僧床前雙草履簷下一紗

燈珮腰無力冠欹髮不勝鸞臺龍尾道合盡少年登

閒忙

奔走朝行內棲遲野寺間多因病後退步及健時
還斑白霜侵鬢蒼黃日下山閒忙俱過日惟校不
如閒

西風

西風來幾日一葉已先飛新霽乘輕屐初涼換熟
衣淺渠銷慢水疎竹漏斜暉薄暮青苔巷家僮引
鶴歸

悠悠

無夢

老眼花前閣春衣雨後寒舊詩多忘却新酒且嘗
看拙定於身穩慵應趁伴難漸銷名利想無夢到
長安

對小潭寄遠上人

小潭澄見底閒客坐開襟借問不流水何如無念
心彼惟清且淺此乃寂而深是義誰能答明朝問
道林

閒吟二首

留司老賓客春盡興如何官寺行香少僧房寄宿
多閒傾一盞酒醉聽兩聲歌憶將陶潛語羲皇無
以過

閒游來早晚已得一周年嵩洛供雲水朝廷乞俸
錢長歌時獨酌飽食後安眠聞道山榴發明朝向
玉泉

獨遊玉泉寺

三月三十日

雲樹玉泉寺肩舁半日程更無人作伴抵共酒同
行新葉千萬影殘鶯三兩聲閒游竟未足春盡有
餘情

登天宮閣

午時乘輿山薄暮未能還
高上煙中閣平看雪後
山委形羣動裏任性一生閒
洛下多閒客其中我最閒

吳皇甫七郎中

選

志業過玄晏詞華似禰衡
多才非福祿薄命是聰明
不得人間壽還留身後名
涉江文一首便可敵

公卿

持正奇文甚多
涉江一章尤出

丁籤九十三白居易之三

唐音統籤卷

四百二十九

五言律詩五

歸來二周歲

歸來二周歲二歲似須臾池藕重生葉林鴉再引
雖時豐實倉廩春暖葺庖厨更作三年計三年身
健無

齋居

香火多相對葷腥久不嘗黃著數匙粥赤箭一甌
湯厚俸將何用閒居不可忘明年官滿後擬買雪
堆莊

重修府西水亭院

因下疏爲沼隨高築作臺龍門分水入金谷取花
栽遶岸行初匝憑軒立未廻園西有池位留與後
人開

與諸公同出城觀稼

老尹醉醺醺來隨年少羣不憂頭似雪但喜稼如
雲歲望千廂積秋憐五穀分何人知帝力堯舜正
爲君

歲暮言懷

職與才相背心將口自言磨鉛教切玉驅鴈遣乘

軒只合居巖窟何因入府門年終若無替轉恐負君恩

和夢得冬日晨興

漏傳初五點鷄報第三聲帳下從容起窗間曉
明照書燈未滅煖酒火重生理曲絃歌動先聞唱
渭城

雪夜對酒招客

帳小青瓊暖盃香綠蟻新醉憐今夜月歡憶去年
人闌落燈花燼閒生草座塵慙慙報絃管明日有
嘉賓

六年冬暮贈崔常侍晦叔

時為河南尹

鬢毛霜一色光景水爭流易過唯冬日難銷是老

愁昏開綠蟻酒煖擁褐綾裘已共舊約約誓前倘

即休

七年春題府廳

潦倒守三川因循涉四年推誠廢鈞距示耻用蒲

鞭以此稱公事將何銷俸錢雖非好官職歲久亦

妨賢

自喜

身慵難勉強性拙易遲迴布被辰時起柴門午後

閒忙驅能者去，閑逐鈍人來。自喜誰能會，無才勝
有才。

送楊八給事赴常州

無嗟別青瑣，且喜擁朱輪。五十得三品，百千無一
人。須勤念黎庶，莫苦憶交親。此外無過醉，毗陵何
限春。

把酒思閒事二首

把酒思閒事，春愁誰最深。乞錢羈容面，落第舉人
心。月下低眉立，燈前抱膝吟。憑君勸一醉，勝與萬
黃金。

把酒思閒事春嬌何處多試鞍新白馬弄鏡小青娥
掌上初教舞花前欲按歌憑君勸一醉勸了問如何

答夢得秋日書懷見寄

幸免非常病甘當本分衰眼昏燈最覺腰瘦帶先知
樹葉霜紅日髭鬚雪白時悲愁緣欲老老過却無悲

答夢得八月十五日夜斫月見寄

南國碧雲客東京白首翁松江初有月伊水正無風
遠思兩鄉斷清光千里同不知娃館上何似石

偷閒

閒臥

薄食當齋戒散班同隱淪
佛容爲弟子天許作閒人
唯置牀臨水都無物近身
清風散髮臥兼不要紗巾

新秋喜涼

過得炎蒸月尤宜老病身
衣裳朝不潤枕簟夜相親
樓月纖纖早波風嫋嫋
新光陰與時節先感是詩人

對晚閒夜合花贈皇甫郎中

移晚校一月花遲過半年紅開杪秋日翠合欲昏
天白露滴未歿涼風吹更鮮後時誰肯顧唯我與
君憐

題贈平泉章徵君拾遺

箕穎千年後唯君得古風位留丹陛上身入白雲
中躁靜心相背高低跡不同籠雞與梁燕不信有
冥鴻

老去

老去愧妻兒冬來有勸詞煖寒從飲酒衝冷少吟
詩戰勝心還壯齋勤體校羸由來世間法損益合

相隨

冬初酒熟二首

霜繁脆庭柳風利剪池荷
月色曉彌苦鳥聲寒更
多秋懷久寥落冬計又
如何一甕新醅酒萍浮春
水波

酒熟無來客因成獨酌
誰人聞老黃綺地上散松
喬忽忽醒還醉悠悠暮復
朝殘年多少在盡付此
中銷

略逢青州王大夫赴鎮立馬贈別

大旆擁金羈善生得者稀
何勞問官職豈不見光

唐音續編
輝赫赫人爭看翩翩馬欲飛不期前歲尹駐節語

依依

前年春予爲河
南尹王爲少尹

和楊同州寒食乾坑會後聞楊工部欲到知
予與工部有宿醒

夜飲歸常晚朝眠起更遲舉頭中酒後引手索茶
時拂枕青長袖欹簪白接離宿醒無興味先是肺
神知

南塘晚興

水色昏猶白霞光闌漸無風荷搖破扇波月動連
珠蟋蟀啼相應鴛鴦宿不孤小僮頻報夜歸步尚

踟躕

小宅

小宅里間接踈籬雞犬通渠分南巷水窗借井家
風度信園殊小陶潛屋不豐何勞問寬窄寬窄在
心中

酒熟憶皇甫十

新酒此時熟故人何日來自從金谷別不見玉山
顏疎索柳花盃寂寥荷葉杯今冬問氈帳雪裏爲
誰開

看嵩洛有歎

今日看嵩洛迴頭歎世間榮華急如水憂患大於
山見苦方知樂經忙始愛閒未聞籠裏鳥飛出肯
飛還

閒臥寄劉同州

軟褥短屏風昏昏醉臥翁鼻香茶熟後腰暖日陽
中伴老琴長在迎春酒不空可憐閒氣味唯欠與
君同

殘酌晚食

閒傾殘酒後煖擁小爐時舞看新翻曲歌聽自作
詞魚香肥溪火飯細滑流匙除却慵饒外其餘盡

不知

喜見劉同州夢得

紫綬白髭鬚同年二老夫論心共牢落見面且歡
娛酒好携來否詩多記得無應須爲春草五馬少
踟躕

尋春題諸家園林

關健朝朝出乘春處處尋天供閒日月人借好園
林漸以狂爲態都無悶到心平生身得所未省似
而今

早春題少室東巖

三十六峯晴雪銷嵐氣生月留三鏡宿春引四山
行遠草初含色寒禽未變聲東巖最高石唯我有
題名

香山上居

老須爲老計老計在抽簪山下初投足人間久息
心亂藤遮石壁絕澗護雲林若要深藏處無如此
處深

無長物

莫誅家居窄無嫌活計貧只緣無長物始得作閒
人青竹單床簾烏紗獨幅巾其餘皆稱是亦足奉

吾身

秋雨夜眠

涼冷三秋夜安閒一老翁
臥遲燈滅後睡美雨聲
中灰宿溫甌火香添暖被籠
曉晴寒未起霜葉滿階紅

和令公問劉賓客歸來稱意無之作

水南秋一半風景未蕭條
阜蓋迴沙苑藍舉上洛
橋閒嘗黃菊酒醉唱紫芝
謹稱意那勞問請錢不
早朝

酬夢得窮秋夜坐卽事見寄

月十卷金
煇細燈將盡聲
暹漏正長老
人秋向火小
女夜縫
裝菊悴籬
經雨萍銷
水得霜
今冬曉寒
酒先擬共
君嘗

偶于維揚牛相公處覓得筆筆未到先寄詩

來走筆戲荅

來詩云但愁封寄
去魔物或驚禪

楚匠饒巧思
秦箏多好音
如能會一面
何啻直雙
金玉柱
調須品朱絃
染要深
會教魔女弄
不動是
禪心

酬夢得霜夜對月見懷

淒清冬夜景
搖落長年情
月帶新霜色
碁和遠鴈

聲暖憐爐火近寒覺被衣輕枕上酬佳句詩成夢不成

雪中酒熟欲携訪吳監先寄此詩

新雪對新酒憶同傾一杯自然須訪戴不必待延
枚雪賦云
延枚叟陳榻無辭解袁門莫懶開笙歌與談笑
隨事自將來

惜春贈李尹

春色有時盡公門終日忙兩衙但不闕一醉亦何妨
妨芳樹花團雪衰翁鬢撲霜知君倚年少未苦惜
風光

酒醒尋夢得

料合同惆悵花殘酒亦殘
醉心忘老易醒眼別春
難獨出雖慵懶相逢定
喜歡攜小蠻去試覓老

劉看

小蠻酒
榼名也

燒藥不成命酒獨醉

白髮逢秋王丹砂見火空
不能留姪女爭免作衰
翁賴有盃中綠能爲面上
紅少年心不遠只在中

附中

冬夜對酒寄皇甫十

霜殺中庭草冰生後院池
有風空動樹無葉可辭

枝十月苦長夜百年強半時
新開一瓶酒那得不
相思

歲除夜對酒

衰翁歲除夜對酒思悠然
草白經霜地雲黃欲雪
天醉依香枕坐慵傍
暖爐眠洛下閒來久
明朝是
十年

夢得臥病携酒相尋先以此寄

病來知少客誰可以爲娛
日晏開門未秋寒有酒
無自宜相慰問何必待
招呼小疾無妨飲還須
擊

一壺

謝思黯戲贈

同用
狂字

鍾乳三千兩金釵十二行妬他心似火欺我髮如

霜

思黯自誇前後服鍾乳三千兩甚得力而慰老
歌舞之妓頗多來詩戲予羸老故戲答之

資歌笑銷愁仰酒漿眼看狂不得狂得且須狂

新歲贈夢得

暮齒忽將及同心私自憐漸衰宜減食已喜夏加
年紫綬行聯袂籃輿出比肩與君同甲子歲酒合
誰先

謝皇甫十早春對雪見贈

漠漠復雰雰東風散玉塵明催竹窗曉寒退柳園

春綠醞香堪憶紅爐煖可親
忍心三兩日莫作破齋人

白題酒庫

野鶴一辭籠虛舟長任風送愁
還闌處移老入閒中身更求何事
天將富此翁此翁何處富酒庫不

曾空

劉仁軌語云天將富貴此翁以一醉爲富也

又和令公新開龍泉晉水二池

舊有潢汚泊今爲白水塘

詩云方塘含白水

笙歌聞四面

樓閣在中央春變煙波色晴添樹木光
龍泉信爲美莫忘午橋莊

雨後秋涼

夜來秋雨後秋氣颯然新團扇先辭手生衣不着
身更添砧引思難與簾相親此境誰偏覺貧閑老
瘦人

酬夢得早秋夜對月見寄

吾衰寡情趣君病懶經過其奈西樓上新秋明月
何庭蕪淒白露池色澹金波况是初長夜東城砧
杵多

自詠

鬚白面微紅醺醺半醉中百年隨手過萬事轉頭

空臥疾瘦居士行歌狂老翁仍聞好事者將我畫
屏風

天宮閣秋晴晚望

洛城秋霽後晚閣暮登時此日風煙好今秋節候
遲霞光紅泛艷樹影碧參差莫慮言歸晚牛家有
宿期

訓夢得暮秋晴夜對月相憶

霽月光如練盈庭復滿池秋深無熱後夜淺未寒
時露葉團荒菊風枝落病梨相思懶相訪應是各
年衰

酬夢得比萱草見贈

來篇云唯君比萱草相見可忘憂

杜康能散悶萱草解忘憂借問萱草何如白

劉老衰勝少天開樂笑忙愁欲問同年肉何入得

白劉

問皇甫十

苦樂心由我窮通命任他坐傾張翰酒行唱接輿

歌榮盛傍看好優閒自適多知君能斷事勝負兩

如何

初病風

病中詩

六十八衰翁乘衰百疾攻朽株難免蠹空穴易來

風肘痺宜生柳頭旋劇轉蓬恬然不動處虛白在
胷中

雪後過集賢裴令公舊宅有感

梁王捐館後枚叟過門時有淚人還泣無情雪不
知臺亭留盡在賓客散何之唯有蕭條鴈時來下
故池

酬夢得見喜疾瘳

暖臥摩綿褥晨傾藥酒螺昏昏布裘底病醉睡相
和未疾徒云爾

傳云風淫末疾未謂四肢

餘年有幾何須知差

與否相去校無多

夜聞箏中彈瀟湘送神曲感舊

縹緲巫山女歸來七八年
殷勤湘水曲留在十三
絃苦調吟還出深情咽不傳
萬重雲水思今夜月
明前

見敏中初到郊寧秋日登城樓詩詩中頗多

鄉思因以寄和從敏中詩中
更出韻無字

相爾到邊頭蕭條正值秋
二年貧御史八月古邠
州絲管聞雖樂風沙見亦愁
望鄉心若苦不用數
登樓

病入新正

枕上驚新歲花前念舊歡是身老所逼非意病相
于風月情猶在盃觴興漸闌便休心未伏更試一
春看

臥疾來早晚

臥疾來早晚懸懸將十旬婢能尋本草犬不吠醫
人酒甕全生醖歌筵半委塵風光還欲好爭向枕
前春

春暖

風痺宜和暖春來脚校輕鷲留花下立鶴引水邊
行髮少嫌巾重顏衰訝鏡明不論親與故自亦昧

平生

池上早夏

水積春塘晚陰交夏木繁舟船如野渡籬落似江村靜拂琴床席香開酒庫門慵閒無一事時弄小嬌孫

開成上行皇帝挽歌詞奉敕撰進

四首其四在七言律

內

御宇恢皇化傳家叶至公華夷臣妾內堯舜弟兄中制度移民俗文章變國風開成與貞觀寶錄事
多同

晏駕辭雙闕靈儀出九衢上雲歸碧落下席葬蒼梧
莫晚餘堯曆龜新啓夏圖三朝聯棟蓼從古帝
王無

巖恭七月禮哀動萬人心地感勝秋氣天愁結夕
陰鼎湖龍漸遠濛汜日初沉唯有雲韶樂長留治
世音

早熱

畏景又加旱火雲殊未收離暄饑有雀池涸渴無
陽岸噴頭仍痛寒寒汗亦流若爲當此日遷客向

炎州

時場李相各脫潮節

李留守相公見過池上汎舟舉酒話及翰林
舊事因成四韻以獻之

引梅尋池岸柳柳疏菊叢何言濟川後相訪釣船
中自昔政聲存青雲往事空同時大學士五朝

漁翁

謝絕

門有曾來幾處人送迎病銷談笑與老足歡
聲鶴伴臨池立人杖下御行脚瘡春斷酒那得有
心情

問諸親友

七十人癡到過三更較稀占花租野寺定酒興朝
衣趁醉春多出貪歡夜未歸不知親故口道我是
耶非

閒坐

婆娑放雞犬嬉戲任兒童閒坐槐陰下閑禱向晚
風漚麻池水裏黦棗日陽中人物何相稱居然田
舍翁

新秋夜雨

蟋蟀暮啾啾光陰不少留松簷半夜雨風幌滿牀
機曙早燈猶在涼初簟未收新晴好天氣誰伴老

人遊

奉敕試太社觀獻捷詩

以勁字為韻 元和二年十一月四日自

集賢院召赴銀臺候進止五日召入翰林

奉勅試制書詔批荅及詩五首翰林院使

梁守謙奉宣宜授翰林

學士數月除左拾遺

淮海妖氛滅乾坤喜氣通班師郊社內操袂凱歌

中廟筭無遺策天兵不戰功小臣則為歡率舞向

皇風

池畔閒坐兼呈侍中

以下四首錢太史家本補

池畔最平處樹陰新合時移牀解衣帶坐任清風

次舉棹鳥先覺垂綸魚未知前頭何所有一卷晉

公詩

初冬卽事憶皇



十

冷竹風成韻
荒街葉作堆
欲尋聯句卷
先飲煖寒
盃
帽爲迎霜
戴
爐因試火
開
時時還有
客
終不當
君來

小庭寒夜寄夢得

庭小同蟬舍
門開稱雀羅
火將燈共盡
瓶與雪相
和
老
曠
隨
年
減
衰
情
向
夕
多
不
知
同
病
者
學
奈
夜
女
何

西

安路西歌馬

槐陰歇，碧梧凋，寒惹衣巾。日晚獨歸路，春深多思。
人盡道、春華難買，且為客、只三旬。已念紗窗下，應生寶
瑟塵。

玉言半梅

送陳雨簡入都 以下
前集

昨日韶書下，求賢訪陸沉。無論能與否，紮起朝名
心。君攜南遊去，雲山蜀路深。

寒閨夜

夜半衾裯冷，孤眠懶。未能籠香銷盡，火巾淚滴成。
冰爲惜影，相伴通宵不滅燈。

黃石巖下作

久別鷓鴣侶深隨鳥獸羣
教他遠親故何處覓知
聞昔日青雲意今移向白雲

元家花

以下
後集

今日元家宅櫻桃發幾枝
稀稠與顏色一似去年
時失却東園主春風可得知

種柳三詠

白頭種松桂早晚見成林
不及栽楊柳明年便有
陰春風爲催促副取老人心

從若種楊柳夾水意如何
準擬三年後青絲拂綠

波仍教小樓上對唱柳枝歌
更想五年後千千條麴塵路傍深映月樓上闌
藏春愁殺閒遊客聞歌不見人

丁籤九十三白居易之三唐音統籤卷四百三十一

五言排律一長慶前集

代書詩一百韻寄微之

憶在貞元歲初登典校司身各同日授心事一言

知貞元中與微之同登科第俱授秘書省校書郎始相識也肺腑都無隔形骸

兩不羈疎狂屬年少聞散為官卑分定金蘭契言

通藥石規交賢方汲汲友直每惻惻有月多同賞

無盃不共持秋風飄零匣夜月卷書帷高上慈恩

塔幽尋皇子陵唐昌玉蕊會崇敬牡丹期唐昌觀玉蕊崇

敬寺牡丹花時多與微之有期笑勸迂辛酒閒吟短李詩辛大立度性迂

嗜酒李二十神體短能詩
故當時有迂率短李之號
儒風愛敦質佛理尚玄

師劉三十二教賢有儒風度
七玄師談佛理有可賞者
慶日曾無悶通宵靡

不為雙聲聯律句八面對宮基
雙聲聯句八面宮基皆當時事
往遊三省騰騰出九達寒銷直城路春到曲江池

樹暖枝條弱山晴彩翠奇
峯橫石綠點柳宛麴塵

絲岸草煙鋪地園花雪壓枝
早光紅照耀新溜碧

透迤幄幙侵堤布盤筵占地施
徵伶皆絕藝選妓

悉名姬粉黛凝春態金鈿耀水嬉
風流誇墜髻時

世鬪啼眉貞元中城中復為
洛馬晉帝眉無也
密坐隨歡促華樽逐

勝移香飄歌袂動舞落舞斂遺籌插紅螺
飛觥飛

勝移香飄歌袂動舞落舞斂遺籌插紅螺
飛觥飛

白玉卮打嫌調笑易飲訝卷波遲

拋打曲有調笑
令飲酒曲有卷

白殘席誼譁散歸鞍酪酏騎酡頰烏帽側醉袖玉

鞭垂紫陌傳鍾鼓紅塵塞路岐幾時曾誓別何處

不相隨荏苒星霜換迴環節候催兩衙多請假三

考欲成資運偶千年聖天威萬物宜皆當少壯日

同惜盛明時光景嗟虛擲雲霄竊聞窺攻文朝斲

乞講學夜孜孜策目穿如札

時與微之集策略
之目其數百十

鋒

毫銳若錐

時與微之各有鐵鋒細管筆携
以就試相顧輒笑目為毫錐

繁張獲

鳥網堅守釣魚坻

雖自冬至夏頻改試期
竟與微之堅守制試也

並受夔

龍薦齊陳晁董詞萬言經濟略三策太平基中第

爭無敵專場戰不疲輔車排勝陣倚角拳降旗謂並

同鋪席雙闕紛容衛千條儼等衰謂制舉人欲恩唱第之時也

隨紫泥降名向白麻披既在高科選還從好爵縻

東垣君諫諍西邑我驅馳元和元年同登制科微

再喜登烏府多慙侍赤墀四年微之復拜監察官予為拾遺學士也

班分內外遊處遂參差每列鵷鸞序偏瞻獬豸姿

簡威寒凜冽衣綵綉威蕤正色摧強禦剛腸嫉嗟

嗶常憎持祿位不擬保妻兒養勇當除惡輸忠在

滅私下鞫驚燕雀當道懾狐狸南國人無怨東臺

吏不欺微之使東原奏寬八十餘家理寃空定國詔從而平之因分司東都

切諫甚辛毘造次行於是平生志在茲道將心共
直言與行兼危水閣波翻覆山藏路險巖未爲明
主識已被倖臣疑木秀遭風折蘭芳遇霰萎千鈞
勢易壓一柱力難支騰口因成瘡吹毛遂得疵憂
來吟貝錦謫去詠江灘邂逅塵中遇殷勤馬上辭
賈生離魏闕王粲向荆夷水過清源寺山經綺季
祠心搔漢臯珮淚墮峴亭碑並途中所
經歷處也驛路緣雲
際城樓枕水濱思鄉多繞澤望闕獨登陴林晚青
蕭索江平綠渺瀰野秋鳴蟋蟀沙冷聚鷓鴣官舍
黃茅屋家人苦竹籬白醪充夜酌紅粟備晨炊寡

鶴摧風翻鰓魚失水鬻鬮離啼渴且涼葉墜相思

此四句兼會微之鱗居之思 一點寒燈滅三聲曉角吹藍衫經

雨故驄馬臥霜羸念涸誰濡沫嫌醒自歎醜耳垂

無伯樂舌在有張儀負氣衝星劍傾心向日葵金

言自銷鑠玉柱肯磷縮伸屈須看螻窮通莫問龜

定知身是患當用道為醫想子今如彼嗟予獨在

斯無慘當歲杪有夢到天涯坐阻連襟帶行乖接

履蒸潤銷衣上霧香散室中芝念遠緣遷貶驚時

為別離素書三往復明月七盈虧自與微之別經七月三度得書

舊理非難到餘歡不可追樹依興善老草傍靜安

衰微之宅在靜安坊西近興善寺前事思如昨中懷寫向誰北村

尋古柏南宅訪辛夷開元西北院即隋時龍村佛堂有古柏一被至今存焉微

之宅中有辛夷兩樹常與微之遊息其下此日空搔首何人共解頤病

多知夜永年長覺秋悲不飲長如醉加餐亦似饑

狂吟一千字因使寄微之

和鄭元及第後秋歸洛下閒居同高侍郎下隔年及第

勤苦成名後優遊得意間玉憐同匠琢桂恨隔年

攀山靜豹難隱谷幽鷲豔還微吟詩引步淺酌酒

開顏門迥暮臨水窗深朝對山雲嚮日相待莫誤

許身閑

東都冬日會諸同年宴鄭家林亭

得先字

盛時陪上第暖日會羣賢桂折因同樹鸞遷各異
年賓階紛組珮妓席儼花鈿促膝齊貧賤差肩次
後先助歌林下水銷酒雪中天他日升沉者無忘
共此筵

叙德書情四十韻上宣歙翟中丞

宣州薦送及第後重

投此詩

元聖生乘運忠賢出應期還將稽古力助立太平
基上控吳兼越州連歙與池山河地襟帶軍鎮國
藩維廉察安江甸澄清肅海夷股肱分外守耳目

付中司楚老歌來暮秦人詠去思望如時雨至福
是歲星移政靜民無訟刑行吏不欺攜謙驚玉寵
陰德思人知白玉慙溫色朱繩讓直辭行爲時領
袖言作世著龜盛幕招賢士連營訓銳師光華下
鷓鴣驚氣色動熊羆出入麾幢引登臨劍戟隨好風
迎解榻美景待牽帷晴野霞飛綺春郊柳宛絲城
烏驚畫角江鴈避紅旗藉草朱輪駐攀花紫綬垂
山宜謝公屐洲稱柳家詩酒氣和芳杜絃聲亂子
規分越齊馬首列舞匝蛾眉醉惜年光晚歡憐日
影遲迴塘排玉棹歸路擁金羈自顧龍鍾者嘗蒙

月
與
咍
之
仰
山
塵
不
讓
涉
海
水
難
爲
身
泰
鄉
人
薦
名
因
國
士
推
提
携
增
善
價
拂
拭
長
妍
姿
射
策
端
心
徬
遷
喬
整
羽
儀
幸
穿
楊
遠
葉
謬
折
桂
高
枝
佩
德
潛
書
帶
銘
仁
闡
勒
肌
鞠躬
趨
館
舍
拜
手
挹
階
墀
霄
漢
程
雖
在
風
塵
迹
尚
卑
弊
衣
羞
素
布
敗
屋
壓
茅
茨
養
乏
晨
昏
膳
居
無
伏
臘
資
盛
時
貧
可
耻
壯
歲
病
堪
嗤
擢
第
名
方
立
勉
書
力
未
疲
磨
鉛
重
剗
割
策
蹇
再
奔
馳
相
馬
須
憐
瘦
呼
鷹
正
及
饑
扶
搖
重
卽
事
會
有
荅
恩
時
畏

和涓井劉大夫借便秋遊虜寄朝中親友

巨鎮爲邦屏全材作國楨韜鈴漢上將文墨魯諸
生豹虎關西卒金湯渭北城寵深初受檄威重正
揚兵陣占山河布軍由水草行夏苗侵部落宵遁
失藩營雲隊攢戈戟風馳卷旆旌埃空烽火滅氣
勝鼓聲鳴胡馬辭南牧周師罷北征迴頭問天下
何處有揜攬

題故曹王宅

宅在檀溪

甲第何年置未門此地開山當寶閣出溪繞妓堂
迴覆井桐新長蔭窗竹舊栽池荒紅菌萐砌老綠
莓苔捐館梁王去思人楚客來西園飛蓋處依舊

月徘徊

自江陵之徐州路上作寄兄弟

岐路南將非離憂弟與兄關河千里風雪一身
行夕宿勞鄉夢晨裝慘旅情家貧憂後事日短念
前程煙鴈翻寒渚霜鳥聚古城誰憐陟岡者西楚
望南荆

早春獨遊曲

江陵名樓
昔年

散職無拘束纔驟少送迎朝從直城出春傍曲江
行風起池東暖雲開山北晴冰銷泉脉動雪盡草
芽生露杏紅初拆煙楊綠未成影遲新度鴈聲澁

欲啼鶯聞地心俱靜韶光眼共明酒狂憐性逸藥
效喜身輕慵慢踈人事幽棲逐野情迴看芸閣笑
不似有浮名

晚秋有懷鄭中舊隱

天高風嫋嫋鄉思繞關河寥落歸山夢殷勤採蕨
歌病添心寂寞愁入鬢蹉跎晚樹蟬鳴少秋階日
上多長閒羨雲鶴久別愧煙蘿其奈丹墀上君恩
未報何

立春日酬錢員外曲江同行見贈

下直遇春日垂鞭出禁闈兩人携手語十里看山

歸柳色早黃淺水紋新綠微風光向晚好車馬近
南稀機盡笑相顧不驚鷗鷺飛

春夜喜雪有懷王二十二

夜雪有佳趣幽人出書帷微寒生枕席輕素對階
墀坐罷楚絃曲起吟班扇書明宜滅燭後淨愛塞
簾時窗引曙色早庭銷春氣遲山陰應有興不臥
待微之

病中哭金鑿子

小女
子名

豈料吾方病翻悲汝不全臥驚從枕上扶哭就燈
前有女誠爲累無兒豈免憐病來纔十日養得已

三年慈淚隨聲迸悲傷遇物牽故衣猶架上殘藥
尚頭邊送出深村巷看封小墓田莫言二里地此
別是終天

渭村退居寄禮部崔侍郎翰林錢舍人詩一

百韻

聖代元和歲間居渭水陽不才其命舛多幸遇時
康朝野分倫序賢愚定否臧重文疎卜式尚少棄
馮唐由是推天運從茲樂性場籠禽放高翥霧豹
得深藏世慮休相擾身謀且自強猶須務衣食未
免事農桑雜草通三徑開田占一坊畫扉扃白版

夜碓掃黃梁隙地治場圃閒時糞土疆枳籬編刺
夾薤壟擘科秧穡力嫌身病農心願歲穰朝衣典
杯酒佩劍博牛羊困倚栽松錘饑提採蕨筐引泉
來後澗移竹下前岡生計雖勤苦家資甚渺茫塵
埃常滿甕錢帛少盈囊弟病仍扶杖妻愁不出房
傳衣念襤褸舉案笑糟糠犬吠村胥鬧蟬鳴織婦
忙納租看縣帖輸粟問軍倉夕歇攀村樹秋行遶
野塘雲容陰慘澹月色冷悠揚蕎麥鋪花白棠梨
間葉黃早寒風撼撼新霽月蒼蒼園菜迎霜死庭
蕪過雨荒簷空愁宿鷺望闌思啼螿服爲看書損

肱因運甕傷病骸渾似木老鬢欲成霜少睡知年
長端愛覺夜長舊遊多廢忘往事偶思量忽憶煙
霄路常陪劍履行登朝思檢束入閣學趨蹌命偶
風雲會恩覃雨露滂沾枯發枝葉磨鈍起鋒鋒崔
閣連鑣鴛錢兄接翼翔齊竿混韶夏燕石厠琳瑯
同日升金馬分宵直未央共詞加寵命合表謝恩
光廐馬驕初跨天厨味始嘗朝脯頒餅餌寒暑賜
衣裳對秉鵝毛筆俱含雞舌香青縑衾薄絮朱裏
幕高張畫食恒連案宵眠每並牀差肩承詔旨連
署進封章起草偏同視疑文最共詳滅私容黠竄

窮理析毫芒便共輸肝膽何曾異肺腸慎微參石
奮決密學張湯禁園青交瑣官垣紫界墻井欄排
菡萏簷瓦鬪鴛鴦樓額題鳩鵲池心浴鳳凰風枝
萬年動溫樹四時芳宿露凝金掌晨暉上璧璫砌
筠塗綠粉庭果滴紅漿曉從朝興慶春陪宴柏梁
傳呼鞭索索拜舞珮鏘鏘仙仗環雙闕神兵關兩
廟火翻紅尾旆水卓白竿槍滉漭經魚藻深沉近
浴堂分庭皆命婦對面卽儲皇貴主冠浮動親王
轡開裝金鈿相照耀朱紫間焚燁毛簇桃花綺歌
巡竹葉觴窪銀中貴帶昂黛內人絳賜袂東城下

頌醜曲水傍樽罍分聖酒妓樂借仙倡淺酌看紅
藥徐吟把綠楊宴迴過御陌行歇入僧房白鹿原
東郭青龍寺北廊望春花景暖避暑竹風涼下直
閒如社尋芳醉似狂有時還後到無處不相將雞
鶴初雖雜蕭蘭久乃彰來燕隗貴重去魯孔恓惶
聚散期難定飛沉勢不常五年同晝夜一別似參
商屈折孤生竹銷摧百鍊鋼途窮任憔悴道在肯
徬徨尚念遺簪折仍憐病雀瘡卹寒分賜帛救餒
減餘糧藥物來盈囊書題寄滿箱殷勤翰林主珍
重禮闈郎煦沫誠多謝搏扶豈所望提携勞氣力

吹簸不飛揚拙劣才何用龍鍾分自當粧嫫徒費
黛磨甃詎成璋習隱將時背干名與道妨外身宗
老氏齊物學蒙莊疎放遺千慮愚蒙守一方樂天
無怨歎倚命不動勤憤懣胸須豁交加臂莫攘珠
沉猶是寶金躍未爲祥泥尾休搔掉灰心罷激昂
漸閒親道友因病事醫王息亂歸禪定存神入坐
亡斷癡求慧劍濟苦得慈航不動爲吾志無何是
我鄉可憐身與世從此兩相忘

酬盧秘書二十韻

時初奉詔除
贊善大夫

謬歷文場選慙非翰苑才雲霄高躋致毛羽弱先

推識分忘軒冕知歸返草萊杜陵書積蠹豐獄劍
生苦悔厭鳴雞雨春鶯震發雷舊恩收陸履新律
動寒灰鳳詔容徐起鷓行許重陪衰顏雖拂拭寒
步尚徘徊睡少鐘偏警行遲漏苦催風霜趁朝去
雨雪拜陵迴上感君猶念傍慙友或推石頭鐫費
力女醜嫁勞媒倏忽青春度奔波白石頽性將時
共背病與老俱來聞有蓬壺客知懷杞梓材世家
標甲第官職滯麟臺筆盡鉛黃點詩成錦繡堆
思豁雲霧忽喜訪塵埃心爲論文合眉因勸善開
不勝珍重意滿袖寫瓊瓌

題盧秘書夏日新栽竹三十韻

湘竹初封植盧生此考槃久持霜節苦新托露根
難等度須當砌疎稠要滿欄買憐分薄俸栽稱作
閒官葉剪藍羅碎莖抽玉瑄端幾聲清浙歷一簇
絲檀樂未夜青嵐入先秋白露團拂肩搖翡翠髮
手弄琅玕韻透窗風起陰鋪砌月殘炎天聞覺冷
窄地見疑寬梢動勝搖扇枝低好掛冠碧籠煙羃
羃珠灑雨珊珊晚籜晴雲展陰芽蟄虺蟠愛從抽
馬策惜未截魚竿松韻徒煩聽桃夭不足觀梁慙
當家杏臺陋本同蘭

古詩云盧家蘭室杏爲
梁又秘晉府即蘭臺也撐撥

詩人興勾牽酒客歡靜連蘆簟滑涼拂葛衣單
止消時暑應能保歲寒莫同凡草木一種夏中
題周皓大夫新亭子二十二韻

東道常爲主南亭別待賓規模何日創景致一時
新廣砌羅紅藥疎窗蔭綠筠鑲開寶閣曉梯上妓
樓春置醴寧三爵加邊過八珍茶香飄紫筍膾鱗
落紅鱗輝赫車輿鬧珍奇鳥獸馴獼猴看櫪馬
鷓鴣喚家人錦額簾高捲銀花盞慢巡勸嘗光祿酒
許看洛川神周兼九祿卿有衆妓數十人歛翠凝歌黛流香
舞中裙翻繡鷓鴣梳隔鈿麒麟笛怨音含楚箏

語帶秦侍兒催畫燭醉客吐文茵投轄多連夜鳴
珂便達晨入朝紆紫綬待漏擁朱輪貴介交三事
光榮照四隣卍濃將奉客穩煖不緣身十載歌鐘
地三朝節鉞臣愛才心側儻敦營禮殿勸門以招
賢盛家因好事貧始知豪傑意富貴爲交親

讀李杜詩集因題卷後

翰林江左日員外劔南時不得高官職仍逢苦亂
離暮年通客恨浮世謫仙悲吟咏流千古聲名通
四夷文場供秀句樂府待新詞天意君須會人間

要好詩

賀監知章狂李
白爲謫仙人

卷終